

SCRIPT OF EVENING GOJRI NEWS BULLETIN 20NOV 2025 1700 HRS

ايونينگ گو جري نيو ز بليئن مورخه 20 نومبر 2025

يوه آکا شواني جمون بے نصرت چوهدري تے اظہر حسين تين خبر سنو۔

HEADLINES

۱۔ ليفٹيننٹ گورنر منوج سنہا نے کہيو کہ جمون تيزي نال ايک برو تجارتی تے ترسيلي نظام مرکز بن ربيو بے جھيڑو لداخ تے وادی کشمير نانہہ ملک گا برا تجارتی رستان نال جوڑے۔

۲۔ نائيب وزير اعلى سريندر چودھري نے اج بھگوتي نگر مانہہ چوتھا توي پل گو جانيزو ليو تانجے بحالي گا کم غا معيار غي جانچ کرسکين۔

۳۔ چيف سيکرٹري اٹل ڈلو نے بڑا قومي شاہراہ تے ٹنل گا پروجيکٹاں غي ميٹنگ مانہہ جمون کشمير مانہہ کم غے بارے مکمل جانيزو ليو۔

۴۔ پوليس غا انسپکٹر جنرل نلين پربھات نے پونچھ غو دورو کرغے ضلع مانہہ حفاظتی تے مجموعی صورتحال غو معائينو کيو۔

۵۔ رياسی ضلع مانہہ خراب ہوتی ہوا تين ساہ غي بیمارياں مانہہ تيزي سنگ اضافو بو ربيو بے۔

LG LOGISTICS CONCLAVE

جمون مانہہ اج ٹريڈ اينڈ لاجسٹکس کنکليو سال 2025 غو انعقاد ہوو جت ليفٹيننٹ گورنر منوج سنہا نے لوکاں سنگ خطاب کيو ايل جی موصوف نے کہی و کہ جمون ہن تيزي نال تجارتی تے مال برادری غو ايک برو مرکز بن ربيو بے جھيڑو لداخ تے کشمير نانہہ ملک غا برا کاروباری رستان تين جوڑے انہاں نے دسيو کہ پچھلا 5 براں مانہہ سڑکاں تے ريل گا نظام مانہہ بہتری آن غي وجہ تين جمون غي تجارت مانہہ زبردست اضافو ہووے ايل جی موصوف نے کہيو کہ اس وقت سب تين زيادہ ضرورت ايک بہتر گودام تے سامان نانہہ لياں تے لیجان گا نظام غي ضرورت بے تانجے معشيت مضبوط وے کسان کاریگر صنعت کار ، نکه چھوٹا تے درميانہ درجہ گا کاروباری سيکٹر نانہہ سدھو فائندو لب سکے انہاں نے کہيو ايک مضبوط نقل و حمل تے سپلائی نظام تين بنان آلا گو سامان سيدھا خريداراں توڑی پُچ جے غو انہاں نے مزید اس طرح کہيو۔

Dy CM 4th BRIDGE

نائيب وزير اعلى سريندر چودھري نے اج جمون مانہہ چوتھا توي پل بھگوتي نگر غو دورو کيو تانجے تيار ہويا پل غي بحالي تے مرمت غا کم غا معيار غو جانيزو ليو جاسکے اُت نامہ نگاراں سنگ گل کرتا وان نائيب وزير اعلى نے کہيو کہ جسراں اوں پہلاں تين ہی کہوں کہ اس پل نانہہ بہت ہی تيزي سنگ مکمل کيو جائے غو تے مارا انجنيران غي سخت کوششاں نے اس گل نانہہ يقيني بنايو بے کہ جاری کردہ پل پروجيکٹ غو کم وقت ور مکمل ہو جے اس بارے مزید انہاں نے اس طر

کہیو۔ انہاں نے کہیو کہ سیلاب غی وجہ تیں پُل ٹُٹ گئی و تھو جس تیں لوکاں نانہ کافی مشکلات غو سامنو کرنو پیو تے اُن غی مشکلات نانہ کہٹ کرنو ماری ذمہ داری ہے۔

CS HIGHWAY PROJECTS

چیف سیکرٹری اٹل ڈلو نے اج ایک اہم میٹنگ کی جس مانہ جموں کشمیر گا برا قومی شاہراں گا پروجیکٹ غی پیش رفت غو جانیزو لیو گیو یوہ پروجیکٹ بیکن، پروجیکٹ سمپرک، این ایچ اے آئی، این ایچ آئی ڈی سی ایل تے پی ڈبلیو ڈی غے ذریعے بنایو جاریو ہے۔ چیف سیکرٹری نے ہر پروجیکٹ تے ہر پیکج غی تفصیلاً پیش رفت دیکھی تے کہیو کہ اس کم نانہ مکمل کرن غی مقررہ مدت دسی جے انہاں نے کم تیں متعلق رُکاوٹاں تے مسائل غے بارے پُچھیو چیف سیکرٹری نے ہدایت دتی کہ تعمیراتی سامان نانہ کڈھن غی اجازت صیح طریقہ سنگ دتی جے تانجے سامان صرف اسی پروجیکٹ واسطے استعمال وے جس واسطے اجازت دتی جے۔ دواں دویزنل کمشنراں نانہ کہیو گیو ہے کہ ایجنسیاں غے نال مسلسل رابطو رکھیں تے جہڑا وی مسائل آویں انہاں نانہ حل کریں۔

HSHB

دیہی صفائی غا ڈائریکٹر جنرل جموں کشمیر انو ملہورترا نے 19 نومبر تیں 10 دسمبر توڑی مرکزی زیر انتظام علاقہ مانہ ہمارا شوچالیا ہمارا ہوشیے مہم شروع کی تانجے صفائی غا نظام نانہ

مضبوط بنایو جاسکے تے سماجی صفائی ستھرائی کمپلیکس تے انفرادی گھریلو بیت الخلا نانہ فروغ دتو جاسکے۔ اس بیت الخلا تے صفائی ستھرائی غی مہم نانہ دہراتا واں انہاں نے صفائی غی مناسب دیکھ بھا نانہ یقینی بنان واسطے کہیو تانجے سماج نانہ اج محفوظ صفائی غی سہولت فراہم کی جاسکے تے صاف ستھرو تے صحت مند مستقبل واسطے تیار کیو جاسکے۔

JK SCIENCE CONGO.

پدم شری پدما سچدیو گورنمنٹ پی جی وومنز کالج جموں مانہ جے کے سائنس کانگریس سال 2025 غو آغاز کیو گیو۔ جھیڑو محکمہ سائنس و ٹیکنالوجی غا تعاون تیں منعقد ہو رہیو ہے اس تقریب مانہ محکمہ مال گا کمشنر شانت منو تے پروفیسر ڈاکٹر شیخ ایجاز بشیر جہڑا کالج گا ڈائریکٹر ہیں مہمان خصوصی تھا۔ کالج غی پرنسپل ڈاکٹر گیتانجلی انڈوترا نے دسیو کہ 2 روزہ سائنس کانگریس سائنس دانان تحقیق کاراں نوجوان تحقیق کرن آلا طلبہ نانہ ایک بہترین موقعو دے جس مانہ وہ اپنا تحقیق ایجادات تے سائنس خیالات نانہ ایک دوجا سنگ سانجہ کرسکیں۔ انہاں نے مزید اس طرح کہیو۔

DGP POONCH VISIT

جموں کشمیر پولیس گا انسپکٹر جنرل نلین پرہیات نے اج پونچھ غو دورو کیو تانجے سرحدی ضلع غی حفاظتی صورتحال گو جانیزو لیو جاسکے دورہ غے دوران ڈی جی پی نے ایک اہم حفاظت بارے میٹنگ کی جس مانہ جموں کشمیر پولیس تے دوجی حفاظتی ایجنسیاں غا اعلیٰ افسر موجود تھا میٹنگ مانہ موجودہ حفاظتی حالات دہشت

گرد مخالف کاروائی تے ساری ایجنسیاں غے بشکار بہتر تال میل غا بارا مانہ گل بات ہوئی افسراں نے ڈی جی پی نانہ حالیہ سرگرمیاں عملہ غی تعیناتی تے حساس علاقہ مانہ نگرانی بدھان غی کوششاں بارے تفصیلاً جانکاری دتی ڈی جی پی نے کہیو کہ ساری ایجنسیاں غے بشکار تال میل ضروری ہے تے افسراں نانہ ہدایت دتی ہے کہ چوکسی نانہ مزید مضبوط کریں تانجے ضلع مانہ امن و استحکام نانہ برقرار رکھیو جاسکے اس بارے مزید معلومات دیتا واں مارا ضلع نامہ نگار انوبھو مشری نے اس طرح کہیو۔

SSP KATHUA OP PREPAREDNESS

لوور کٹھوعہ مانہ حفاظتی انتظامات غو جائیزو لین واسطے ایس ایس پی کٹھوعہ موہت شرما نے ایس پی آپریشن مکند تبریوال ، ایس ڈی پی او باڈر دیرج کٹوچ ڈی ایس پی آپریشن پشپا تے دیگر افسراں غے نال مختلف حساس علاقہ غو دورو کیو انہاں نے بیرانگر تے راج باغ پولیس سٹیشن غا علاقہ مانہ آن آلا گراں حفاظتی کیمپ تے مالامن تے چنگارا غی اگلی پولیس چوکیاں غو معائنو کیو اہلکاراں نے انہاں نانہ پچھلا دراندازی گارستہ گراں گا حفاظتی مقامی رضاکار تے علاقہ غی اہم جگہاں گا بارا مانہ معلومات دتی۔ ایس ایس پی نے دراندازی غا لحاظ تیں حساس علاقہ جسراں کہ پکا کوٹھہ، پرنگولی، منگلورتے سیدا غو وی دورو کیو تے انتظامات غو جائیزو لیو۔

REASI AIR POLLUTION

ریاسی مانہ سردیاں غے ہوتاں ہی عوامی صحت نانہ سنگین تشویش غو سامنو ہے کیونکہ خراب ہوا ، ہوا گا معیار تے ساہ غی بیماری مانہ تیزی سنگ اضافو کرے جس سنگ ساہ لین مانہ دشواری دمہ غو ہونو تے آلودگی غے متعلق انفیکشن مانہ مبتلا مریضاں مانہ نمایاں اضافو ہو رہیو ہے اس بارے ڈاکٹراں نے خبردار کیو ہے کہ زہریلی ہوا غا مضر اثرات پیدائش توں پہلاں پہ شروع ویں تے زندگی بھرمانہ ضروری اعجا نانہ نقصان پچا ویں طبی ماہرین نے خبردار کیو ہے کہ فضائی آلودگی نہ صرف پیپھڑاں بلکہ دل و دماغ تے مجموعی قوت مدافعت نانہ وی متاثر کرے اس بارے مزید تفصیلات دیتا واں طبی نگران ضلع اسپتال ریاسی ڈاکٹر گوپال شرما نے اس طرح کہیو۔

RAMBAN FOOD PROCESSING

پردہان منتری فوڈ پروسیسنگ سکیم یعنی خردہ خوراک غی تیاری بارے منصوبہ ہے یاہ سکیم مرکزی سرکاری غی جانب تیں چلائی جارہی ہے جس مانہ نکہ تے غیر منظم خوراک تیار کرن آلا

یونٹس نانہ مالی مدد تکنیکی مدد تے کاروباری رہنمائی دتی جے ضلع رام بن مانہ محکمہ اس سکیم نانہ اگے بدھا رہیو ہے تانجے دیہی علاقہ گا لوک وی اس تیں فائدو چاسکے فائدو چان آلا افراد، کساناں غامشترکہ گروپ، اپنی مدد آپ گروپ، تے خوارک تیار کرن آلا تعاونی اداراں غے ذریعے اس سکیم تیں فائدو حاصل کرسکیں۔ اس بارے مزید معلومات سانجہ کرتا واں رام بن تیں ایریا مارکیٹنگ افسر تحسین اقبال چب نے اس طرح کہیو۔
